



AR

Desde ki anja Arugaldo ta exisiti ?

Arugaldo ta existi for di 01 October 2004, y esey kiermeen cu e anja aki Arugaldo ta cumpli 2 anja di existencia y activo pa e di 3 temporada

Di unda e nomber a origina ?


E nomber Arugaldo ta significa "**Aruba Gaita & Aguinaldo**" y e nomber a wordo formula Sr. Jubi Naar y di cual nos ta gradicie pa e bunita nomber.

Nos meta ta pa trece alegria y dushi ambiente di fin di anja pa nos dushi hende nan di Aruba y tambe pa esun nan cu sea nan ta studia of bibando den exterior.

Di cuanto integrante e grupo ta consisti y menciona nomber di e integrantenan y nan rol den e grupo.

Arugaldo ta un grupo hopi joli mes y entre nos mes nos ta organisa diferente actividad nan social y deportivo pa nos pasa momento nan contento cu otro pasobra nos ta kere den e dicho "**Union Ta Hasi Forsa**" y pa un agrupashon por cana bon, bo mester tin union.

Angelo Rasmijn



Giovanni Geerman



Caridad Quandus



Arugaldo ta consisti di 20 integrante y nan ta :

Vocalista / Corista

Caridad Quandus, Michela Matos, Daisy Kock, Emily Angela, Raquel Maduro y Hilda Kelly.

Strings

Jefraim Figaroa - Guitarista, Jason Henriquez - Bass ,

Ritmo

Eugene Pietersz - Tambora, Angelo Rasmijn - Tambora Germil Geerman - Percussion, Giovanni Geerman - Timbal / Percusion, Giali Rasmijn - Percusion, Vale Fingal - Conga Nando Erasmus - Sound, Luigi Rasmijn - Manager / Drums / Percusion.

Brass-section.

Mirto Rasmijn - Trombone, Hubert de Cuba Trombone Pedro Wilson - Trompet, Bejan Dijkhoff Trompet

Arugaldo su porta nan ta habri pa tur musico nan nobato of persona nan cu kier toca den un grupo di gaita of kier sigui engrandece nan mes den e mundo di musica.

Hilda Kelly



Raquel Maduro



Nando Erasmus






Jeffraim Figaroa



Daisy Kock



Eugene Pietersz



Giali Rasmijn



Luigi Rasmijn



Michella Matos

Cua ta e musica cu Arugaldo ta interpreta y pakiko a escohe e musica aki ?

Arugaldo ta interpreta e ritmo di gaita estilo di Aruba, esta e ritmo di gaita combina cu otro tipo di ritmo nan cu ta wordo toca aki na Aruba, p.e.; Tumba gaita, Salsa gaita, gaita soca, gaita cumbia, gaita ritmocombina y tambe gaita tradicional y aguinaldo , pero e ritmo gaita gaita mes nos ta lage pa e grupo nan di gaita di Venezuela, pasobra ta di nan e ta.

Nos a scohe e ritmo aki pasobra nos ta gusta masha hopi mes e paranda di fin di anja y tambe pasobra e ta ritmo basta facil pa toca y e ta zona hopi dushi mes.

*Trahandu duro riba e di 3 CD cu mester sali den e di 2 siman di October 2006. *Tin planes pa Arugaldo lanta su mes un team di softball y di bolas prome cu e anja caba.

*Ya caba nos a cuminsa traha riba Copa Arugaldo 2007 cu lo ta hopi mas grandi e anja aki. *Di awor aki caba no ta invitando pueblo di Aruba pa e Around the Clock softball knockout cu lo tuma lugar riba veld di Caribe dia 29 -30 September y 01 October 2006

cu animashon di diferente banda nan local y tambe mas den luna di October riba veld di

Kudawecha y e fiesta bailable dia 04 November 2006 cu diferente banda nan local.

UGALDO

Arugaldo a yega di produci CD y cua ta e exitonan di mas grandi di e grupo?

Si, na anja 2004 nos a produci nos prome CD cu a contene 2 cancion y e hit tabata un tumba gaita cu e titulo Bin Baila cu a wordo interpreta pa Caridad Quandus y composita y arregla pa Mirto Rasmijn.

Na 2005 nos produci nos di 2 CD cu e nomber di "Stima Nos Aruba" cual a wordo dedica na Aruba pa duna nos pueblo e forza pa enfrenta e ola nan grandi cu tabata suta nos y ta sutando nos ainda.

E hit nan ta un salsa gaita cu e titulo di : E yui di Dios y wordo interpreta pa Caridad Quandus y composite pa Noemi Hernandez y arregla pa Juan Carlos Petit.

Un tumba gaita cu e titulo : De Paranda y a wordo interpreta pa Michela Matos, Compositor : DR. y arregla pa Mirto Rasmijn y DR.

Mensahe : Aruba , nos ta un pida baranca masha duro mes y ni maske cuanto biento duro supla of ola nan grandi suta nos, no tin nada pa kibra nos.

Con Arugaldo ta jega na su fondonan pa entre otro instrument etc.?

E anja ki Arugaldo a organisa diferente fundraising y ta organisando ainda algun funraising prome cu anja caba pa por jega na e fondo nan necesario.

Gasto cu tin involvi pa cu e agrupashon ta hopi y sponsors bo no ta haja mas.

Ta pesey mes e agrupashon mester hasi diferente fundraising pa por sigui existi y trece ambiente di fin di anja.

Si tin algun persona, instancia of comerciante cu kier duna nan aporte y coperashon pa cu e agrupashon por tuma contacto na tel : 9642049 of E-mail : arugaldo@hotmail.com

Cua ta e projectonan / plannan di Arugaldo pa e anja aki ainda y futuro

*E anja aki e agrushon tin planea pa bai hasi diferente presentashon nan na Corsow den luna di December hunto cu diferente otro grupo nan di gaita di Corsow, Boneiro y Venezuela.

Boso tin algo mas pa agrega?

Nos kier a gradici nos Dios Tata poderoso cu a duna nos e bunita y dushi don pa ta un musico y e mission pa trece dushi musica y alegra nos dushi hende nan di Aruba den temporada di fin di anja.

Nos kier a gradici pa prome na Pan Cayente pa a duna nos e invitacion y e oportunidad den nan revista hopi bon lesa aki na Aruba.

Nos kier a duna un palabra di pabien na e team nan cu sali ganador den Copa Arugaldo 2006 y esey nan ta como lo siguiente :

Damas Caballeros

Campion: Budlight Hit Girls **Campion:** Kudawecha Redskin
Sub Champion: Pepsi Sweet Devils, **Sub Champion:** Warawara Classic

3er Lugar: Redskin Angels, **3er Lugar:** Quick Electrical

Nos kier a gradici tambe tur e team di softball, bolas y domino cual pa nos tur ta campion y tambe e empires nan, scorer, nos sponser principal pa cu Copa Arugaldo 2006 esta Playa Trading y Budweiser, Sagcor Life Inc., directiva di Kudawecha Ball Park, na Sr. Remi Boekhoudt di Sudway Eat Fresh bolas team, Pepsi, e publico grandi cu a presenta tur siman riba veld, bisinja nan di Kudawecha y Paradera, Cuerpo Policial, tur e banda nan musical y tur esnan cu nos por a lubida cu a copera di un manera of otro cu Copa Arugaldo 2006 sin lubida e gang cu traha hopi duro mes y esey ta Hala Patras Crew y na nan tur nos ta bisa nan Masha Masha Danki !!!

Pa tur esnan cu lo ta interesa den un presentashon di Arugaldo durante e temporada di fin di anja por tuma contact na tel : **9642049** of manda un E-mail na : arugaldo@hotmail.com y nos lo bin pone ambiente formal di fin di anja sea na bo cas, fiesta, kerstdinner of dilanti bo empresa.

Arugaldo ta pidi Dios Tata manda Paz pa Aruba, pa nos por tin un Pasco cu hopi alegria, amor y cu 2007 por tin dicha , prosperidad, felicidad, salud y exito pa boso tur.